



UNIVERSITÄTS-
BIBLIOTHEK
PADERBORN

**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760

II. De divino officio.

[urn:nbn:de:hbz:466:1-67899](#)

dicecessi indulgetur. Dominica tamen die nulum jejunium, nec die, Christi natalibus sacro, etiamsi sit *antesabbatinus*: quod ecclesia latina ceteris festis non dedit².

1) C. 2. X. de observ. jejun. 2) Dist. 30 c. 7. C. I.
& 3. X. de observ. jejun.



C A P. II. DE DIVINO OFFICIO.

I.

Series
precum
publica-
tum,

in libros
relata.

PRECES publicæ, quarum seriem *officium* seu *cultum divinum* appellamus, ex traditione apostolica inde ab ecclesiæ incunabulis observatæ, pro provinciarum diversitate diversum habitum induerunt. Clerici omnes & omnes monachi psalmos *memoriter* cantarunt, & ordine libros scripturæ, diversis temporibus assignatos, legerunt, ceterasque cærimoniæ, in majoribus observatas, peregerunt. Multo post observantia illa in regulas monasticas, veluti in regulam Benedicti, qua c. 8. 9. seq. longo ordine omnis ratio Psalmodiæ enarratur, & in libros publicos ecclesiasticos, veluti in *psalterium*, *lectionarium*, *antiphonarium*, *sacramentarium*, aliosque, relata est, in quibus paucis verbis literisque *rubentibus* precum gestuumque comitum ordo modusque notantur. Unde natæ sunt *rubricæ*, hujus rei unæ, eademque fidelissimæ, indices. Quas particulatim cum cunctis cærimoniis describere, longum foret, & justi voluminis opus. Summos faltem apices attingere juvat.

II. INSTITUTUM autem est divi-
num *officium*, ut publice cum cantu & omni-
bus cæremoniis rei convenientibus celebretur.
Igitur in singulis diœcesibus saltem unus lo-
cus patere debet, quo populus singulis diebus
& horis singulis pro suo quisque affectu &
otio confluere possit. Talia loca sunt ecclesiæ
cathedrales & *collegiatæ*. Clericos, quippe in
nullam vitæ civilis partem vocatos, assidue
publicos officio interesse decet, &c., si per ne-
gotia ecclesiæ utiliora impediuntur, saltem
privatim easdem preces recitare tenetur¹.

1) C. ult. C. 29.

III. UNDE nascitur omnium clericorum, qui in sacris sunt, aut beneficia tenent, obligatio ad recitandum *officium*. Justum enim est, ut saltem id dent ecclesiæ, ut pro populo, præsertim pro iis, qui per negotiorum multitudinem nec sëpe, nec diu, precibus immorari queunt, Deum orent². Novissime hæc obligatio disertis constitutionibus inculcanda videbatur, condemnatis beneficiariis, qui negligentiores essent, ad ratam fructuum restituendam³. In plerisque ecclesiis ob donationes ob animam interserenda sunt officia seu Missæ extraordinariæ, quas eos, qui his gaudent, fideliter peragere decet. Sed quum per tot faculorum decursum, accumulatis piis fundationibus, id institutum vix extum habere possit, Concilium Tridentinum Episcopis permisit Missarum numerum arcta-
re, ita tamen ut benefactorum memoria semper recolatur. Id quod aula Romana restrin-

absolvit
officium,
vel publi-
ce,

vel priva-
tiū reci-
tandū;

git ad fundationes ante concilium Tridentinum factas, & in posterioribus auctoritatem papæ desiderat.

1) c. 2. D. 91. & 9. C. 1. X. de celebr. miss.

2) Constit. Pii V. n. 135. 1571. 3) Sess. 25. Ref. c. 4.

in quo
sequenda
observan-
tia ecclæ-
sæ loci,

IV. IN cantando officio publico sequenda est observantia ecclesiæ, in qua cantatur. Sed qui *privatum* id recitant, neque ad horas, neque ad corporis diversos gestus, ingeniculationem, vel erectionm, adstringuntur. Sufficit enim XXIV. horarum spatio integrum perstringere officium. Præstat tamen anticipare, quam rejicere preces¹. Hinc omnes horas minores mane, & matutinas pridie ejus diei ab hora quarta pomeridiana recitare, permisum. Multo tamen præstat, horis, quoad ejus fieri potest, stricte inhærere, ne sanctissimi instituti fructum perdamus, qui est, ut subinde in Deum defixi aliquo modo assequamur præceptum divinum de jugiter orando². In his utendum officio dioceseos, in qua domicilium; nisi Romanum præferatur, cuius usus per omnem ecclesiam latinam permisus. Correctum illud est ex decreto concilii Tridentini³, & ab omnibus novarum congregationum presbyteris receptum. Adoptatum est etiam a pluribus Franciæ provinciis servandæ uniformitatis obtentu; sed revera ob librorum inopiam, & quod correctu essent difficiles⁴.

1) Gloss. in c. presbyter. X. de celebr. miss. verbo persolv.

2) 1 Thess. VI. 17. Luc. XVIII. 1. 3) Sess. 25. inf.

4) Concil. Burdigal. 1583. c. 4. Aquens. 1585. Narbon. 1609. c. 40.

V. Q U U M Christiana religio non consistat in cærimoniis, nec ipse Christus præter eas, quæ ad sacramenta pertinent, alias præscripsérit; quidquid harum est, ab apostolis & ecclesiæ pastoribus accepimus: qua in re pro temporum & locorum diversitate maxima cernitur diversitas. Principio officium *lingua* cujusque gentis *vulgatissima* latissimeque patente, quæ in occidente *latina* erat, celebratum. Quum istæ linguæ a vulgi usu procedente tempore recesserint; ecclesia, novationum inimica, nihilominus publicum earum usum retinendum censuit. Major est in ritibus discrepantia, quibus tamen unitas ecclesiæ haud atteritur, quum nec doctrinam, nec mores afficiant¹. Sic Græci aliique Christiani orientales *rituali* a nostrø diversissimo utuntur, & plerisque in Francia cathedralibus, immo & Benedictinis, proprii ritus & propria sunt officia. Est hæc pars libertatis ecclesiastica a Gregorio M. profecta, qui *l. 12. ep. 31. §. 3.* discipulo suo, Augustino, auctor est, ut optimum quodque, sive sit ex Romana, sive ex Francicis ecclesiis haustum, Anglis præcipiat. Vetus præceptum est, ut in singulis provinciis unum saltem observetur officium, ecclesiæ scilicet Metropolitanæ proprium².

quum di-
versarum
ecclesia-
rum sint
ritus di-
versi.

1) *C. 14. X. de offic. jug. ord.*

2) *Dist. 1. c. 31. dist. 2. c. 31.*

VI. SINGULÆ preces & cærimonia- Mutari
rum series, quum sit tantum institutionis hu- potest ab
manæ, ex justis & gravibus caussis, mutari episcopo.
potest, v. gr. ut fabulæ aut superstitiosi ritus,

si quos superiorum temporum ignorantia in-
vexit, eliminentur¹. Sed sola ordinariorum
auctoritate, quibus multo magis novationes
impedire, eisque resistere licet; qui devo-
tionis obtentu, sive per ignorantiam sive per
lucri cupidinem, divinum cultum alterare, &
in sacris novo ritu ineptire audent. Si ex cer-
tis caussis, veluti ob sterilitatem agrorum, ob
inclemens cælum, ob hostium incursionem,
aliasque calamitates, itemque ob victoriam ab
hoste reportatam, aliaque divina beneficia, ex-
tra ordinem Deus vel exorandus vel laudan-
dus est; episcopus formulas præscribit, tem-
pusque, & locum & formam indicat: qua in
re nulla *judicium secularium auctoritas*, qui-
bus cognitiones caussarum, ad officium divi-
num pertinentium, interdictæ sunt². De præ-
dicationibus aliisque institutionis generibus
parte I. c. 12. quantum satis est. Nunc de fa-
cramentis dicendum.

1) Conc. in Trullo c. 43. conc. Trid. sess. 22. c. 25. in fin.

2) Mem. du Clergé part. 1. tit. 2. c. 5. nro. 6. 7. 8.
c. 8. c. 4. n. 18. &c.

non a ju-
dice sa-
tutari.

C A P. III.
DE BAPTISMO, CONFIRMATIO-
NE, EUCHARISTIA.

I.

Bapti-
mus in
ecclesia

BAPTISMUS, extra casum necessitatis, publi-
ce in ecclesia, ubi sunt fontes baptismales,
solemni ritu suscipiendus est. Olim ipsi infan-
tes